

Жума куни ва кечаси дуони кўп қилиш



07:49 / 24.11.2023 5078

Жума куни баданни тозалаб, ҳайъатни гўзал қилиш

Бу иш тирноқни олиш, соч олдириш, соқолни тўғрилаш, қўлтиқ остини ва бошқа жойларни туклардан тозалаш ва бошқа шахсий озодалик ишларини қилиш билан бўлади.

Соч ва тирноқни жума намозидан олдин олиш тавсия қилинган.

هُرَافُطًا مُلْقِي نَاكَ مَلَسَوِ هِيَ لَعُهُلَّ لِي صِيَّبْنَا نَا: هَرِيْرُهُ يَبَا نَع
رَا زَبْنَا هَاوْرَ هَا لَصَلَا لِي جُرْحِي نَا لَبَقُ هَبْرَاشُ صُقَيِّوْ يَغْمُجْنَا مَوِي
يِنَا رَبَّ طَلَاوْ

Абу Ҳурайра розияллоҳу анҳудан ривоят қилинади:

«Набий соллаллоҳу алайҳи васаллам жума куни намозга чиқишдан

олдин тирноқларини олар, мўйлабларини қисқартирар эдилар».

Баззор ва Табароний ривоят қилишган.

Жума куни Каҳф сурасини қироат қилиш

فَهَكَذَا رُوِيَ عَنْ رَسُولِ اللَّهِ صَلَّى اللَّهُ عَلَيْهِ وَسَلَّمَ: «مَنْ رَأَى رَجُلًا يَتْلُو سُورَةَ الْكَافِرِ فِي جُمُعَةٍ مِنْ يَوْمِ الْجُمُعَةِ، فَهُوَ كَأَنَّهُ قَرَأَ سُورَةَ الْكَافِرِ فِي يَوْمِ الْجُمُعَةِ، فَهُوَ كَأَنَّهُ قَرَأَ سُورَةَ الْكَافِرِ فِي يَوْمِ الْجُمُعَةِ».

Ибн Умар розияллоҳу анҳумодан ривоят қилинади:

«Расулуллоҳ соллаллоҳу алайҳи васаллам:

«Ким Каҳф сурасини жума куни ўқиса, қиёмат куни унинг қадами остидан нур чиқиб, осмону фалакни ёритади ва унинг икки жума орасидаги хатолари кечирилади», дедилар».

Абу Бакр ибн Мурдавайҳ ривоят қилган.

Қиёмат жума куни қоим бўлади. Жумада қиёматга ўхшашлик бор, одамлар жам бўлади. Каҳф сурасида қиёмат даҳшатлари зикр қилинган.

Жума куни ва кечаси дуони кўп қилиш

Чунки шу вақтда дуо ижобат бўладиган соат бор.

مَنْ رَأَى رَجُلًا يَتْلُو سُورَةَ الْكَافِرِ فِي يَوْمِ الْجُمُعَةِ، فَهُوَ كَأَنَّهُ قَرَأَ سُورَةَ الْكَافِرِ فِي يَوْمِ الْجُمُعَةِ، فَهُوَ كَأَنَّهُ قَرَأَ سُورَةَ الْكَافِرِ فِي يَوْمِ الْجُمُعَةِ».

Абу Ҳурайра розияллоҳу анҳудан ривоят қилинади:

«Расулуллоҳ соллаллоҳу алайҳи васаллам жума кунини зикр қилдилар ва:

«Унда бир соат бор, қайси бир мусулмон банда ўша соатда туриб, намоз ўқиб, Аллоҳ таолодан бирор нарса сўраган ҳолида тўғри келса, албатта, У Зот унга ўшани беради», дедилар ва қўллари билан ўша(соат)нинг озлигини кўрсатдилар».

Бешовларидан фақат Абу Довуд ривоят қилмаган.

«Кифоя» китобининг биринчи жузи асосида тайёрланди

Ушбу китоб Ўзбекистон Республикаси Дин ишлари бўйича қўмитанинг 2022 йил 5 октябрдаги 03-07/7013-рақамли хулосаси асосида чоп этилган.